



樂城集卷第九

詩七十首

春日耕者

陽氣先從土脉知老農夜起飼牛飢
雨深一尺春耕利日出三竿曉餉遲
婦子同來相嫵媚鳥鳶飛下巧
追隨紛紛政令曾何補要取終年風雨時

自柘城還府馬上

春色無人見茲行偶衆先
柳黃新過雨麥綠稍鋪田
河潤蕪米散禽聲向日圓
城池高受霧淮渙暖生煙
送客情初惡還家意稍便
旋聞夫事起已過佛燈然

簿領何時畢塵埃空自憐南湖漸可到早治木蘭船
次韻子瞻人日獵城西

將賢士氣振令肅軍聲悄長登戲馬臺一試胡縷褭
城空巷無人里社轉相曉吾公庶無疾但恐園囿小
荆榛一焚蕩雉兔皆驚矯翮上白馬將手把青絲挑
少小事邊徼斬刈輕茶蓼殿前賜鞍勒珂月明皎皎
自言得所事強暴無不了廟筭本詩書下策禁焚燎
當令百鍊剛甘就一指繞低回未嘗試坐被世人少
秋霜一朝下凌厲見鷲鳥爲君整驕惰重立穰苴表

送鮮于子駿還朝兼簡范景仁

蜀中耆舊今無幾相逢握手堪流涕遊勸潦倒不還
家舊俗陵遲真委地錢荒粟帛賤如土摧峻茶鹽不
成市詩書鄉校變古法節行故人安近利欲歸長恐
歸不得歸去相歡定誰是低徊有似羊觸藩眷戀備
同難擇米中山先生昔所愛南都攝尹私相喜窮冬
夜長一事無燈火相從夜深睡讀書萬卷老不廢咸
寓白篇深有意俗吏惟知畏簡書窮途豈意逢君子
春風歸騎忽西顧平日高談應且止朝騎叱馬事朝
謁莫就一床尋夢寐猶有城西范蜀公買地城東種
桃李花絮飛揚酒滿壺談笑從容詩百紙紅塵暗天

獨不知白首相看兩無愧古人避世金馬門何必柴
車返田里

次韻秦觀見寄

東家有賢人西家苦相忽幽蘭委冰霜掩靄特未發
春風吹芳蕤爛熳安可沒東南信多士人物世不闕
考槃溪山間自獻耻干謁誰憐幽閑女艷色比南越
垂耳困鹽車捐金空買骨讀書謝世事閉門動論月
予生亦羈旅處世常卒卒誰令釣竿手強復此持笏
淮餘七尺軀空洞中無物時蒙好事過解榻聊一拂
野情樂江海夢想扁舟兀隱居便醉睡世路多顛蹶

榮華一朝事毀譽百年歇相勸沐咸池陽阿晞汝髮

次韻道潛見寄

蕭蕭華髮映衰容慙愧高僧歎不逢遊宦終身空處
處塵埃何日退重重已甘憔悴雞羣鶴猶勝劬勞早
歲龍回首不堪膏火熱試求甘露洒青松

次韻王鞏元日

庭鵲營巢初一枝餘寒未便袂羅衣春風娜娜還吹
霰歲事駸駸已發機上國遨遊誰信老中年情味祇
思歸和詩應覺添新懶過盡長空鴈北飛

送將官歐育之徐州

輕衫駿馬走春風未識彭城氣象雄青山只在白門
外明月盡屬黃樓中五斗濁醪消永日一雙鳴鏑戲
晴空歸來笑殺幕府客閉戶看書滴滴窮

次韻答王鞏

君家當盛時畫戟擁朱戶中書十八年清明日方午
形容畫雲閣功業載盟府中庭三槐在遺迹百世睹
子孫盡豪俊豈類世寒窶胡爲又適厄黽俛受侵侮
往來兩都間奔走未安土願言解纓紱歸去事農圃
嘉禾根未拔且忍俟甘雨拂衣走東臯此說吾不取
聊復放襟懷清談對僧塵躬耕未可言知田顧乃父

次韻子瞻過淮見寄蕪簡孫奕職方三首

出處平生共江淮恨不來宦遊良誤我老病賦懷哉
徇物終今世量書盡幾堆歸耕少憂患惟有仰春雷

蜀中謂田無水
判者為雷鳴田。

龜山昔同到松竹故依然紅印封鹹豉黃罍分井泉
青天攜杖處晚日落帆偏無限相思意新詩句句傳

又

行役饒新喜臨川逢故人相看對泉石憐我在埃塵
會合終多故分張類有神南遊得如願夢想晉溪春

次韻王鞏留別

決策歸田豈世情網羅從此脫餘生請君速治雞黍
具待我同爲沮溺耕秋社相從醖錢飲日高時作叩
門聲茅廬但恐非君處籍籍朝中望已傾

次韻答孔武仲

白髮青衫不記年相逢一笑蹇欣然誦詩疊疊鋸木
屑展卷駉駉下水缸未肯尺尋分枉直自然鑿枘有
方圓閑官更似揚州學猶得昏昏晝日眠

送傅宏著作歸覲待觀城闕

膠西前輩鄭康成千載遺風及後生舊學詩書儒術
富兼通法律吏能精還家綵服頻爲壽得邑河壩喜

有兵民事近來多迫促弦歌聊試武城聲

律有鄭氏章句

連雨不出寄張恕

麥熟蠶繅熟似丞雨傾三尺未爲淫洗清溝澮蚊蚋
靜沒盡蒲蓮沼止深遺秉滿田驚朽腐移牀避漏畏
侵尋高閑祇有張公子卧聽蕭蕭打葉音

和子瞻自徐移湖將過宋都途中見寄五首

東武厭塵土彭門富溪山從兄百日留退食同躋攀
輕帆過百步船底驚雷翻肩輿上南麓眼界涵川原
愛此忽忘歸願見且三年我去已忽忽兄來亦崩奔
求懷置酒地遠國多雲煙

我昔去彭城明日河流至不見五斗泥但見二竿水
驚風鬱颯怒跳沫高睥睨激灩三月餘浮沉一朝事
分將食魚鼈何暇顧隣里悲傷念遺黎指顧出完壘
繚揅對連山黃樓麗清泗功成始逾歲脫去如一髮
空使西楚氓欲語先垂涕

千金築黃樓落成費百金誰言史君侈聊慰楚人心
高秋吐明月白壁懸青岑晃蕩河漢高恍恨窓戶深
邀我三日飲不去如籠禽史君今吳越雖往將誰尋

又

欲買爾家田歸種三頃稻因營山前宅遂作泗濱老

竒窮少成事飽煖未應早願輸橐中裝田家近無報
平生百不遂今又一笑倒它年數畝宮懸知迫枯槁

又

梁園又蕪沒何以奉君遊故城口耕稼臺觀皆荒丘
池塘塵漠漠鴈鷺空遲留俗衰賓客盡不見枚與鄒
輕舟舍我南吳越多清流

次韻劉貢父登黃樓懷子瞻二首

青山開四面白水遶三畝野闊時聞籟人閑舊據梧
畫船留上客遺迹問田夫事少日常飲才踈世未須
決河初荐至勝事偶相俱燕子卑無取滕王遠可樵

飛濤隱聒晚落日麗浮圖同舍新持節專城敢遽呼
未迎行部駕已放下淮艦試問登消暑如何楚與吳

吳與有
消暑樓

再和

藹藹才名世駸駸日轉禺一時同接浙平昔共棲梧
攬轡真壯士擁旄良丈夫塵埃脫緇綬水石慰霜須
勝地來相失清樽未暇俱射餘空見帖鑄罷祗觀樵
賞計何當決徂年貴早圖檻中終爲食鞴上耻聞呼
顧我千羊毳平生一釣艦微官不須滿也復試遊吳

陪杜充張恕鴻慶宮避暑

至後雨如瀉晴來熱更多簿書霑汗垢巖石思藤蘿
賴有祠宮靜時容俗客過老郎無不可公子亦能和
道勝還相接禪迷屢見訶清涼生絕念煩暑散沉疴
古木便張幄鳴禽巧當歌桃香呈絳頰瓜熟裹青羅
飯細經脣滑茶新到腹適劇談時自笑飽食更無它
適意未應厭後遊真若何官居鄰曲沼田畝助清波
晚照明疎柳微風響衆荷輕舟尚可載小雨試漁蓑

宋城宰韓秉文惠日鑄茶

君家日鑄山前住冬後茶芽麥粒龕磨轉春雷飛白
雪甌傾錫水散凝酥谿山去眼塵生面簿領埋頭汗

匪膚一啜更能分幕府定應知我俗人無

次前韻

龍鸞備比閩國醜鹽酪應嫌北俗龕採愧吳僧身似
腊點須越女手如舌酥根遺味輕浮齒腋下清風稍
襲膚七盃未容留客試瓶中數問有餘無

答孔武仲

飛霜委中林不廢長松綠驚風振川野未省勁草伏
我貧客去盡君來常不速愧君贈桃李永願報瓊玉
我性本山林苦學筆空秃驂騮塞康莊病足顧難逐
錦文術華藻弊褐非所續家有五車書恨不十年讀

濟南昔相遇我齒三十六談諧傾蓋間還徃白首熟
從君飲濁酒過我飯脫粟西湖多菘菘白晝下鴻鵠
城西野人居柴門擁脩竹後車載鴟夷下馬瀉醞醪
醉眼卧荒草空洞笑便腹踈狂一如此豈望世収録
別來今幾何歸期已屢卜西南有薄田茅舍清溪曲
耕耘三男子伏膺當自足君能遠相尋布衣巾一幅
送吳忠道道人歸共興二絕

一去吳興十五年東歸父老幾人存惠山唯有錢夫
子一寸間田曉日曛

遨遊海上冀逢人宴坐山中長閉門去住只今誰定

是相逢一笑各無言

次韻答陳之方秘丞

南山李將軍死馬獨行獵田中射虎豹後騎不容躡
丈夫貴自遂老大饒驚懾飄搖天地間自視如一葉
故人多東南願作扁舟涉忽蒙長篇贈幸此傾蓋接
時世尚新奇詩書存舊業南風吹清汴西去無停楫
恨不留君談一使衆坐厭新詩苦清壯欲和再三怯
東君多名卿投刺日盈笈一言苟合意富貴出旬浹
行看文石階高談曳長袂辱贈但茫然知君念疲苶

登南城有感示文務光王適秀才

幽憂隨秋至秋去憂未已南城試登望百草枯且死
落葉投人懷驚鴻四面起所思不可見欲往將安至
斯人定誰識顧有二三子清風皎冰玉滄浪自湔洗
竊脂未嘗殺南箕儻微似網羅一張設投足遂無寄
田深狡兔肥霜降鱸魚美造形悼前失式微慙往士
憧憧畝丘道歲晚嗟未止西山有茅屋鉏耰本吾事

張公生日

是歲己未
初致仕

少年談王霸英氣干斗牛中年事軒冕徇世仍多憂
晚歲探至道眷眷懷林丘今年乞身歸始與夙昔酬
高秋過生日真氣茲一周觀心比孤月視世皆浮漚

表裏一蝸明萬物不能留顧謂憧憧人斯樂頗曾不
嗟我本俗士從公十年遊謬聞出世語俛作籠中囚
俯仰迫憂患欲去安自由問公昔年樂孰與今日優
山中許道士非復長史儔腹中生梨棗結實從今秋

次韻答張耒

客舟逝將西日夜西北風維舟罷行役坐令鬢如蓬
偶從二三子步上百尺臺雲煙遍原隰敞恍令人哀
山中難久居浮沉在城郭欲學揚子雲避世天祿閣
浮木寄流水行止非所期何須自爲計水當爲我移
外物不可必惟此方寸心中自有樂事手付瑟與琴

夜吟感秋詩惜此芳物零幽人亦多思起坐再三聽
白駒在空林銜齧有耻壘盡我一杯酒愁思如雲頽

次王適送張耒赴壽安尉二首

綠髮驚秋半欲黃官居無處覓林塘浮生已是塵勞
侶病眼猶便錦繡章羞見故人梁苑廢夢尋歸路蜀
山長憐君顧我情依舊竹性蕭疎未受霜

魏紅深淺配姚黃洛水家家自作塘遊客賈生多感
槩閑官白傅足篇章山分少石雲煙老宮廢連昌草
木長路出嵩高應少駐尋顏新過一番霜

次韻張耒見寄

相逢十年驚我老雙鬢蕭蕭似秋草壺漿未洗兩脚
泥南轅已向淮陽道我家初無負郭田茅廬半破蜀
江邊生計長隨五斗米飄搖不定風中煙茹蔬飯糗
不願餘茫茫海內無安居此身長似伏轅馬何日還
爲縱壑魚憐君與我同一手微官骯髒差牛後請看
挿版趨府門何以曲肱眠甕牖中流千金買一壺
中美女不須沽洛陽榷酒味如水百錢一角空滿盃
縣前女兒翠欲滴吏稀人少無晨集到官惟有懶相
宜卧看南山春雨濕

次韻王適兄弟送文務光還陳

三君皆親非復客執手河梁我心惻倚門耿耿夜不
眠挽袖匆匆有難色君歸使我勞寃夢落葉鳴堦自
相擁君家西歸在新歲此行未遠心先恐故山萬里
知何許我欲因君亦歸去清江鬢髯釣魚船脩竹平
生讀書處青衫白髮我當歸咀嚙式微慙古詩少年
勿作老人調被服榮名慰所思

次韻張芻諫議燕集

淮陽卧閣生清風梁園坐嘯囹圄空不知何術解醜
髀但覺羈客忘樊籠樽壘灑落談笑地塵埃脫去文
書藜清心漸欲無一事少年空記揮千鐘近傳移鎮

股肱郡復恐入覲明光宮人生聚散不可料一杯相
屬時方冬浮陽似欲作飛霰想見觀闕瓊花中孝王
會集猶可繼莫嫌作賦無枚翁

聖民昔知陳州
余嘗從之遊矣

臘雪五首

長恐冬無雪今朝忽暗空細聲聞救救遠勢望濛濛
濕潤猶兼雨傾斜半雜風豐登解多事歡喜助三農

又

驕陽不能久蜜雪自相催急霰初鳴瓦飛花旋集臺
着人消瘴疫覆麥長根芟欲試樽中物門前問客來

又

又有歸耕意西山百畝田雪來殊不惡酒熟自相便
一被簪裳累長遭羅網牽飛霰迫殘臘愁思渡今年

又

憂愁不可緩風雪故相撩試問五斗米能勝一束樵
耕耘終亦飽哺啜定誰邀寒暑不須過傾危且自遙

又

雪霜何與我憂思自傷神忠信亦何罪才名空誤身
歸來聊且止老去莫逢嗔樽酒他年事相看醉此晨

次韻王適雪晴復雪二首

驕陽得一雪踰尺應更好晨興視窓隙驚見晴霞杲

九衢無停迹狼藉須一掃空餘浩然氣凜凜接清昊
餘寒薄虛室一靜解羣燥晨炊晚未供客饋慙草草
試脫身上衣行問酒家保孤吟擊槁木大笑稱有道
人生但如此富樂何用禱所思獨未見耿耿屬懷抱

又

同雲自成幄飛雪來無根一爲清風卷坐見東方暎
重陰倘復合飛霰滿南軒油然青春意已見出土萱
老病一不堪惟恃濁酒溫開戶理松菊掃蕩無遺痕
卷舒朝夕間誰識造化元乾坤本何施中有神陸奔
萬物極毫末顛倒何足掀老農但知種荷鋤理南園

送呂由庚推官得替還洛中二首

君家相國舊元勳凜凜中丞繼後塵談笑二年同幕
府風流一倍愈它人南都去後少佳客西洛歸來多
老臣我亦宦遊無久意他年松竹許相鄰

洛水留人一向乾雪泥溢路十分寒送行我豈無樽
酒多難君知久鮮歡回首祗應憐老病凌風爭看試
輕翰到家定見嵩陽老問我衰遲未解官

司馬君實
提筆嵩山
崇偃

四十一歲歲莫日歌

小兒不知老人意賀我明年四十二人生三十百事

身城錄 卷九 十一
衰四十已過良可知少年讀書不曉事坐談王霸了
不疑脂車秣馬試長道一日百里先自期不知中途
有陷穿山高日莫多棘茨長裾大袖足鉤挽却行欲
返筋力疲蝮蛇尚前猛虎後脫身且免克朝飢歸來
掩卷淚如雨平生讀書空自誤山中故人一長笑布
衣脫粟何所苦古人知非不嫌晚朝來聞道行當返
四十一歲不可言四十二歲聊自還

次韻子瞻繫御史獄中榆槐竹栢

秋風一何厲吹盡山中綠可憐凌雲條化為樵夫束
凜然造物意豈復私一木置身有得地不問直與曲

青松未必貴枯榆還自足紛然落葉下蕭條愧華屋

榆

盛衰日相尋循環何曾歇攀條掣柔荑回首驚脫葉
綠槐陰最厚零落今存莢千林一枯槁平地三尺雪
草木何足道盈虛視新月微陽起泉下生意未應絕

槐

故園今何有猶有百竿竹春雷起新萌不放牛羊觸
雖無朱欄擁不見紅塵辱清風時一過交戛響鳴玉
淵明避紛亂歸喚東籬菊嗟我獨何爲棄此北窓綠

竹

學坡集 卷九 一四
田如山下藤脆若溪上菁春風一張王秋霜死則已
胡爲南澗中辛勤種栢子上枝撓雲霓下根絞石齒
伐之爲梁棟歲月良晚矣白首閱時人君看柱下史
栢

次韻子瞻贈張愍子

得罪南來正坐言道人閉口意深全天遊本自有真
樂弄穀誰知定不賢構火噉七初吐日飛流袞袞旋
成川此心此去如灰冷肯更逢人問復然

過龜山

再涉長淮水驚呼十四年龜山老僧在相見一茫然

僧老不自知我老私自憐驅馳定何復少壯空已捐
掉頭不見答笑指岸下船人生何足云陵谷自變遷
當年此山下莫測千仞淵淵中械神物自昔堯禹專
帆檣避石壁風雨隨香煙爾來放冬泮冷沙漲成田
寒裳六月渡中流一帶牽俯首見砂礫羣魚捕魴鱸
父老但驚歎此理未易原何況七尺軀不爲物所旋
衆形要同盡獨有無生全百年爭奪中擾擾誰相賢

放闌二首

畫舫連檣住清流汎闌平忽看銀漢落仍聽夏雷驚
正拖遲迴又開頭取次輕滯留初一快奔駛忽如傾

不識風濤恐聊同枕席行行逢賤魚稻飽食慰平生
又

開空非有礙水靜爲誰興開閉偶然異喧豗自不勝
淵停初鏡淨勢轉忽雲崩脫隘尚容與投深益沸騰
玉山紛破碎陣馬急侵陵挾版千鈞重浮舟萬斛升
岸搖將落木魚困或投罾洶湧曾誰止蕭條遠欲凝
力爭知必折少待亦何能一發臨流笑微言早服膺

次韻王適細魚

羣魚一何微僅比毛髮大嬉遊極草草鬚鬣自箇箇
造物賦群形偶然如一唾吞舟雖云巨其樂不相過
若言無性靈還知避船柂

高郵別秦觀三首

濛濛春雨濕邗溝蓬底安眠晝擁裘知有故人家在
此速將詩卷洗閑愁

筆端大字鴉棲壁袖裏清詩句琢冰送我扁舟六十
里不嫌罪垢汙交朋

高安此去風濤惡猶有廬山得縱遊便欲攜君解船
去念君無罪去何求

召伯埭上斗野亭

細雨添春色微風淨牖流徂年半今世生計一扁舟

飲食隨魚蟹封疆入斗牛江波方在眼轉覺此生浮
次韻鮮于子駿遊九曲池

天高山近湖春盡草生池禾黍多新恨川原自昔時
花存故苑麗樵出舊城隳莫望瓜州渡曾經駐佛狸

揚州五詠

九曲池

嵇老清彈怨廣陵隋家水調繼哀音可憐九曲遺聲
盡惟有一池春水深鳳闕蕭條荒草外龍舟想像綠
楊陰都人似有興亡恨每到殘春一度尋

平山堂歐陽永叔所建

堂上平看江上山晴光千里對憑欄海門僅可一二
數雲夢猶吞八九寬簷外小棠陰蔽芾壁間遺墨涕
洸瀾人亡坐使風流盡遺構仍須子細觀

蜀井在大明寺

信脚東遊十二年甘泉香稻憶歸田行逢蜀井恍如
夢試煮山茶意自便短綆不收容盥濯紅泥遠置亦
清鮮早知鄉味勝為客遊宦何須更着鞭

摘星亭在迷樓舊址

闕角孤高特地迷迷藏渾忘日東西江流入海情無
限莫雨連山醉似泥夢裏興亡應未覺後來愁思獨

難齊只堪留作遊觀地看通峯巒處處低

僧伽塔

山頭孤塔闕真人云是僧伽第二身處處金錢追晚
供家家蠶麥保新春欲求世外無心地一掃胷中累
劫塵方丈近聞延老宿清朝留客語逡巡

題杜介供奉熙熙堂

門前篔簹草生徑堂上熙熙氣吐春遮眼圖書聊度
日放情絲竹最關身年來頻脫烏皮几客去時乾漉
酒巾卜築城中移榜就休心便作廣陵人

遊金山寄揚州鮮于子駿從事邵光

揚州望金山隱隱大如幞謁來長江上孤高二千尺
僧居厭山小面面貼蒼石虛樓三百間正壓江潮白
清風欽霽霧曉日曜金碧直傳魚龍居似得鬼神役
我行有程度欲去空自惜風吹渡江水山僧午方食
波瀾洗我心旬蕨飽我腹平生足遊衍壯觀此云極
鐵甕本誰安海門復誰植東南遞隱見遙與此山匹
茲遊幾不遂深愧幕府客歸時日已莫正直江月黑
顧視天水并坐恐星斗濕使君何時罷登覽不可失

初至金陵

山川過雨曉光浮初看江南第一州路繞匡廬更南

續城集 卷第九
去懸知是處可忘憂

樂城集卷第九

樂城集卷第十

詩九十六首

和孔武仲金陵九詠

白鷺亭

白鷺洲前水奔騰亂馬牛亭高疑欲動船去似無憂
洶湧山方壤澄清練不收中秋誰在此明月滿城頭

覽輝亭

城裏最高處坡陀見一城山多來有緒江遠靜無聲
歌吹風前度樓臺雨後明風光同楚蜀聊此慰生平

鳳凰臺

鳳鳥久不至斯臺空復高何年種梧竹特地翦蓬蒿
白水來無際青山轉幾遭南遊且未返江海共滔滔

天慶觀

興廢不可必冶城今靜祠松聲聞道路竹色淨軒墀
江近風雲改亭深草木滋孤墳弔遺直狂闍閔元規

下壺墓
在觀側

高齋

金陵佳處自無窮使宅幽深即故宮樓殿六朝遺燼
後江山百里舊城中雨餘尚有金鈿落月出長窺粉
堞空看盡一城懷古地茲遊恨不與君同

此君亭

在華
蕪寺

綠竹不可數孤亭一倍幽色分巖石潤梢出澗松修
雪節寒方見春萌旱不抽故山多此物長恨未歸休

見江亭山在蕪

江水信浩渺連山巧蔽虧端能上嶮絕故自識津涯
滅沒檣竿度飄搖鷺羽遲何人倚舟望亦愛此峯危

定林院

定林兩山間崖木生欲合茅屋倚巖隈重重蔭清樾
晨齋取旁寺生事信幽絕吾人定何爲常欲依暖熟

入功德泉

君言山上泉定有何功德熱盡自清涼苦除即甘滑
頗遭遊人病時取破匏挹煩惱雖云清凜然終在臆

遊鍾山

江南四月如三伏北望鍾山萬松碧杖藜試上寶公
龕眾壑秋聲起相襲青峯回抱石城小白練前橫大
江直石梯南下俯城闔松徑東蟠轉山谷喬林無風
聲如兩海見遊僧石上息行窮若澗一庵巖坐弄清
泉八功德歸尋晚飯衆山底困卧定林依石壁朝遊
不知澗谷遠莫歸但覺穿雙屐老僧一身泉上住十
年掃盡人間迹客到唯燒栢子香晨飢坐待山前粥

丈夫濟時誠妄語白首居山本良策茹蔬飯糗何足
道純灰洗心聊自滌失身處世足愆尤愧爾山僧少
憂責

郭祥正國博醉吟庵

姑熟溪頭醉吟客歸作茅庵劣容席團團鵠卵中自
明窓前月出夜更清醉吟自作溪上語不學擁鼻維
陽生詩成付與坐中讀知有清溪可終日作詩飲酒
聊復同誰來共枕溪中石圓天方地千萬里中與此
間大相似囂然一息不自停水火雷風相滅起直須
只作此庵看歌罷曲肱還醉眠不用騎鯨學太白東

入滄海觀桑田

湖陰曲

老虎穴中卧獵夫不敢窺
驂駟服箱驂盜驪巡城三
匝漫不知帳中晝夢日
洗壁驚起知是黃須兒
馬鞭七寶留道左猛士
徘徊不能過遺矢如去
冰已遙明日神兵下赤
霄荒城至今人不住狐
兔驚走風蕭蕭

舟次大雲倉回寄孔武仲

一風失前期十日不相見
君帆一何駛去若乘風箭
我舟一何遲出沒蔽葭
亂甕中有白糟床上有
黃卷妻孥不足共思子
但長嘆池陽重相遇撫
手成一粲

先行復草草回首空眷眷
人生類如此遲速亦何筭
一見誠偶然四海良獨遠
相期廬山陰把臂上雲巘

池州蕭丞相樓二首

遠郭青峯睥睨屯入城
流水穀文翻樓成始覺
江山勝人去方知德業
尊坐久浮雲霾後嶺酒
醒飛雪變前村我來邂逅
公歸國猶喜登臨共一樽

池守張元發時將解去

丞相風流直至今朱欄仍對舊
山林奔馳軒冕身何有
跌宕圖章意最深松遶城頭
風瑟縮江浮山外氣
陰森三年不起南遷想應有
前人識此心

過九華山

南遷私自喜看盡江南山孤舟少僮僕此志還復難
局促守破窻聯翩過重巒忽驚九華峯高拱立我前
蕭然九仙人縹緲凌雲煙碧霞爲裳衣首冠青琅玕
揮手謝世人可望不可攀我行竟草草安能拍其肩
但聞有高士卧聽松風眠松根得茯苓牀若千歲龜
煮食一朝盡終身棄腥羶腹背生綠毛輕舉如翔鸞
相逢欲借問已在長松端何年脫罪罟出處良自便
芒鞋挂藤杖逢山即盤桓斯人未可求巖室儻復存

佛池口遇風雨

長江五月多風暴欲行先看風日好北風忽作東南
來陰雲如湧撥不開驚雷往還轉車轂在波低昂起
坑谷中流一葉那復持卷舒已付天公知解帆轉柂
不容語佛池口中幸可住須臾急雨變昏霾柂師喜
賀風已回澄谿不動縈白練老木蒼崖蔚蔥蒨繫舟
茅屋得青蔬試問釣船還有魚開樽引滿向妻子明
日復行未須悒陰陽開闔良等閑扁舟誰令乘嶮艱

舟次磁湖以風浪留二日不得進于瞻以詩

見寄作二篇答之前篇自賦後篇次韻

慙愧江淮東北風扁舟千里得相從黃州不到六十

續城集 卷一
里白浪俄生百萬重自笑一生渾類世可憐萬事不
由儂夜深竟夢先飛去風雨對床聞曉鍾
西歸猶未有莠裘擬就南遷買一丘舟楫自能通蜀
道林泉真欲老黃州魚多釣戶應容貫酒熟鄰翁便
可留從此莫言身外事功名畢竟不如休

黃州陪子瞻遊武昌西山

千里到齊安三夜語不足勸我勿重陳起遊西山麓
西山隔江水輕舟亂鳧鷖連峯多回溪盛夏富草木
杖策看萬松流汗升九曲蒼茫大江湧浩蕩衆山蹙
上方寄雲端中寺倚巖腹清泉類牛乳煩熱須一掬

縣令知客來行庖映脩竹黃鵝特新煮白酒近亦熟
山行得一飽看盡千山綠幽懷若不遂滯念每煩促
歸丹浪花暝落日金盤浴妻孥寄九江此會難再卜
君看孫討虜百戰不搖目猶憐江上臺高會飲千斛
巾冠墮臺下坐使張公哭異時君再來攜被山中宿
將還江州子瞻相送至劉郎泐王生家飲別

相從恨不多送我三十里車湖風雨交

晉車武子故居其水曰車

湖松竹相披靡繫舟枯木根會面兩王子嘉眉雖異
郡雞犬固猶邇相逢勿空過一醉不須起風濤未可
涉隔竹見奔駛渡江買羔豚收網得魴鯉朝畦甘瓠

熟冬盜香醪羨烏菱不論價白藕如泥耳誰言百口
活仰給一湖水奪官正無賴生事應且爾卜居請連
屋扣戶容疑履人生定何爲食足真已矣愆尤未見
雪世俗多相鄙買田信良計蔬食期沒齒手持一竿
竹分子長湖尾

赤壁懷古

新破荊州得水軍鼓行夏口氣如雲千艘已共長江
險百勝安知赤壁焚觜距方強要一關君臣已定勢
三分古來伐國須觀釁意突成功所未聞

自黃州還江州

身浮一葉迈湓城凌犯風濤日夜行把酒獨斟從睡
重還家漸近覺身輕岸回樊口依稀見日出廬山紫
翠橫家在庾公樓下泊舟人遙指岸如頰

江州城下
土赤如頰

江州五詠

射蛟浦

萬騎巡遊遍千帆破浪輕射蛟江水赤教戰越人驚
山轉樓船影岸催連弩聲祈招無爲賦酣寢盡平生

浦上積水相傳洪
武教獲船於此

浪井

江波浮陣雲岸壁立青鐵胡爲井中泉湧浪時驚發

水性本無定得止自澄澈誰為女媧手補此天地裂

庾樓

元規情不薄上客有殷生夜半酒將罷公來坐不驚
舞翻江月迥談落塵毛輕塵世風流盡高樓空此名

東湖

讀書廬山中作郡廬山下平湖浸山脚雲峯對虛榭

紅蕖紛欲落白鳥時來下猶思隱居勝亂石驚湍瀉

李勃隱居廬山泉石奇勝今婁資寺其故居也及為九江太守始營東湖風物可愛

琵琶亭

湓江暮雨晴孤舟暝將發夜聞胡琴語展轉不成別

尊堂寄東林雅意存北闕潛然涕泗下安用無生說

不到東西二林

山北東西寺高人永遠師來遊亦前定回首獨移時

社散白蓮盡山空玄鶴悲何年陶靖節溪上送行遲

遊廬山山陽七詠

開先瀑布

山上流泉自作溪行逢石缺瀉虹霓定知雲外波瀾
闕飛到峯前本末齊入海明河驚照曜倚天長劍失
提攜誰來卧枕莓苔石一洗塵心萬斛泥

漱玉亭

山回不見落銀潢餘溜喧脰響石塘目亂珠璣濺空
谷足寒雷電繞飛梁入瓶銅鼎春茶白接竹齋厨午
飯香從此出山都不棄滿田秔稻插新秧

簡寂觀

山行但覺鳥聲殊漸近神仙簡寂居門外長溪淨客
足山腰苦筍助盤蔬喬松定有臧丹處大石仍前拜
斗餘弟子蒼髯年八十養生世世授遺書

歸宗寺

求聽歸宗早晚鐘疲勞懶上紫霄峯墨池漫疊溪中
石白塔微分嶺上松佛宇爭惟一山甲僧厨坐待十

方供欲遊山北東西寺巖谷相連更幾重

此寺王逸少所置云

有墨池在焉

萬杉寺

萬本青杉一手栽滿堂白佛九天來

仁宗初年有僧手種萬杉特為

建此寺仍以涓涓石溜供厨足轟轟山屏逸寺開半

榻松陰秋簟冷一杯香飯午鐘催安眠飽食平生事
不待山僧喚始迴

三峽石橋

三峽波濤飽泝沿過橋雷電記當年江聲鬢鬢瞿唐
口石角參差艷頰前應有夜猿啼古木已將秋葉作

歸船老僧未省遊巴蜀松下相逢問信然

白鶴觀

五老相攜欲上天玄猿白鶴盡疑仙浮雲有意藏山頂流水無聲入稻田古木微風時起籟諸峯落日盡生煙歸鞭草草還城市慙愧幽人正醉眠

南康阻風遊東寺

欲涉彭蠡湖南風未相許扁舟厭搖蕩古寺慰行旅重湖面南軒驚浪卷前浦霏微雪陣散顛倒玉山舞一風輒九日未悉土囊怒百里斷行舟仰看飛鴻度故人念征役一飯語平素竹色淨飛濤松聲亂和雨

我生足憂患十載不安處南北已兼忘遲速何須數

寄題陳憲郎中竹軒

家有脩篁綠滿軒趨庭詩禮舊忘言凌霜自得良朋友過雨時添好子孫試翦輕筠扶野步旋收涼葉煮清樽風流共道勝桑梓鄰里何妨種百根

次韻孔武仲到官後見寄

舉楫同千里繫舟時一言共嗟蓬作屋願就席爲明行後身先凶征商思益昏僅同登龍斷何止服車轅

次韻筠守毛維瞻司封觀修城二首

北垣荆棘舊成堆晉待公來次第開車尚已通城下

路榛蕪盡付冶家灰異時碧瓦千門合應記紅旌百
度來自笑禪謀便曠野肩輿飛蓋許追陪

撥棄案頭文字堆曉晴山色四門開究懷氏事老雖
壯俛首山城心已灰荆棘燒殘桑柘出狐狸去盡犬
雞來規模先遣通蹊隧後乘應容衆客陪

山脚侵城起阜堆逸城徼道斬新開闔閭半壞驚潮
信傳壑初深見劫灰蟻聚千夫曾幾日鱗差萬瓦看
將來史君才力輕山郡朝論行聞急召陪

次子瞻夜字韻作中秋對月二篇一以贈正
郎二以寄子瞻

平明坐曹黃昏歸終歲得閑惟有夜已邀明月出牆
東更遣清風掃庭下城上青鬟四山合門前白練長
江瀉誰家高會吹參差鄰婦悲歌春罷亞二年憂患
今已過一夜清光天所借西京詩句出蘇李南國風
流數王謝已隨孤棹去中原肯顧新科求上舍讀書
本自比嵇鍛學劍要須問曹蔗清觴灑灑君莫遠佳
句駸駸予已怕狂夫猖狂終累人不返行遭親黨罵

又

十年秋月照相思相從祇有彭門夜露侵笳鼓思城
闕寒泊魚龍舞潭下厭厭夜飲歡自足落落襟懷向

人瀉秋深河來巨野溢水乾樓起滕王亞北海孔公
雖好客河內寇君那得借是非朝野忽紛紜得喪芳
菲一開謝明月多情還入門流水何知空逸舍晨餐
江市富鱸魴夜宿山村足梨蔗坐隅鵬鳥不須問牆
外蝮蛇猶足怕婁公見唾行自乾馮老尚多誰定罵
相從萬里試南餐對案長思首箸盤山栗滿籃蕪白
黑村醪入口半甜酸又聞牛尾何曾識竊比雞頭意
未安故國霜蓬如盃大夜來彈劍似馮驩

過毛國鎮夜飲

風格照人華省郎江山遶郭古仙鄉漫傳鉛鼎八百
歲未比金釵十二行不動歌聲人已醉旋聞詩句夜
初長簿書撥盡知餘力道院清虛頃未嘗

次韻毛國鎮趙景仁唱和三首一贈毛一贈

趙一自詠

治劇從容緩策銜鈴軒無事日清談隼旟畫戟明千
里紙帳繩床白一庵金奏屢陳容客和玉山不動看
賓酣我來邂逅逢寬政忘却漂流身在南
一紙新詩過鴈銜雖然何異接君談奉親魚蟹蕪臨
海退食琴書定有庵一別經年真似夢多憂不飲亦

如酣共君交契非今日蔽芾棠陰自劔南
遠謫江湖舳尾銜到來辛苦向誰談畏人野鶴長依
嶺厭事山僧祇住庵黃雀頓來成一飽白醪新熟喜
初酣踈頑近日尤堪笑坐任飄風去自南

再和三首

穴鼠何須窺藪銜龕官不用苦高談夜傾冰蟻風吹
竹晝擁黃紉雪覆庵每作微詞還自笑偶漸餘潤亦
成酣公詩精絕非倫擬自古騷人盡在南
燕窠泥上一春銜慙愧封侯止立談舊隱尚聞存竹
徑歸休但要葺茅庵釣船夢想沿溪泛酒盞遙思向

日酣強欲遲留依幕府吳公行恐召河南
天教窮困欲誰銜生事那須一一談自笑豐年塵滿
甑不堪雨後菌生庵士師憔悴經三黜陶令幽憂付
一酣它日歸耕若相憶尺書頻寄北山南

次韻王適州學新修水閣

黃鐘巨挺兩春容何幸幽居近學宮坐對江山增浩
氣力追齊魯欲同風頌詩聞道求何武家法行看試
左雄欲伴少年遊矍相奔軍慙愧恐詞窮

次韻毛君九日

山脚侵城盡是臺登高處處喜崔嵬手拈霜菊香無

奈面拂江風酒自開幕府樽壘雲裏集民家歌吹靜
中來定知勝却陶彭澤悵望籬邊白日頽

次韻毛君感事書懷

種棠經歲便成科秋雨調勻氣漸和才力有餘嫌事
少風情無限覺詩多長松更老仍添節古井雖深自
不波宴坐山房人豈識一樽聊且慰蹉跎

次韻毛君見督和詩

新詩落紙一城傳顧我踈蕪豈足編它日杜陵詩集
裏芻迢略見兩三篇

次韻毛君山房遣興

欲就陽崖暖新開石磴斜誰言太守宅自是野人家
燕坐收心鑑冥觀閔界沙退公長寂寞外物自喧譁
缺逕移松補斜陽種竹遮白雲生後礎孤鷺伴殘霞
破悶時尋鶴呼眠亦任鴉喜聞糟出甕屢問菊開花
古井元依斗丹砂舊養芽蚍蜉頻上案猿狖巧分樵
客到扁舟遠年侵兩鬢華心搖掛風旆眼暗隔輕紗
強撥橫肱睡來從插版衙隱居慙棄擲勝地每咨嗟
頑鈍終何取彫磨豈復加焦先夙所尚園舍恰如螭

和胡教授蒙太守策試諸生

著籍初同闕里多采芹先致魯風和欲將大策觀曾

續坡集 卷十 十四
瞻盡召中堂列馬鵝終日正言何忌諱幾人餘力尚
委蛇豈惟太守知爲政仍見先生善設科

和毛君州宅八詠

鳳凰山

山川蟠踞偶成形威鳳低回義未行更種梧桐真可
致高飛性似伯夷清

披仙亭

仙翁舊住蜀江邊千歲歸來一鶴翩城郭已非人事
改淒涼遺迹但披仙

方沼亭

池上茅簷覆水低早來秋雨尚虹霓敗荷折葦飛鴻
下正憶漁舟泊故溪

翠樾亭

一夜飛霜點綠苔曉庭黃葉掃成堆簷間翠樾彫踈
盡却放牆東好月來

李八百洞

洞府山川百甲賒洞門藤蔓鎖煙霞神仙不與人間
異弟妹還應共一家

煉丹片

鑿井燒丹八百年塵緣消盡果初圓石床蘚鬢人安

在淥水圓團一片天

磨劍池

神仙鑄劍本無矧岸石斑斑尚鐵銍天上少年仍狡
獍不須還爾對方平

山房

岸幘攜筇夜夜來蒲團紙帳竹香臺直須覓取僧爲
伴更爲開庵斲草萊

次韻毛君病中菊未開

病勝秋深霧雨傷舊繒故絮喜清涼菊花金粟未曾
吐桂酒鵝兒空自黃草木亦知年有閏風霜漸近月

方陽

十月爲陽月

得詩聞道維摩病欲欲到毗耶言已忘

雨中宿酒務

微官終日守糟釘風雨淒淒夜渡江早歲謬知儒術
貴安眠近喜壯心降夜深唧唧醉鳴鑿睡起蕭蕭葉
打窓阮籍作官都爲酒不須分別恨南邦

次韻毛君經旬不用鞭扑

共喜秋深酒味醇官曹休暇不須旬政寬境內棠陰
合訟去庭中草色新不惜牛刀時一割已因鼯鼠發
千鈞歲終誰爲公書考豈止江西第一人

次韻李撫辰屯田修州門

六月江濤辟壘頽蒼崖翠甃就新臺咄嗟雙闕還依
舊咫尺群山信有材畫戟風生兩衙退飛橋日出萬
人來不因毀圯催興築誰見雍容治劇才

飲酒過量肺疾復作

朝蒙麴塵居夜傍糟床卧鼻香黍麥熟眼亂甍壘過
囊中衣已空口角涎虛墮嘗未去足盜醕恐深坐
史君信寬仁高會慰寒餓西樓適新成明月猶半破
擁簷青山橫拂檻流水播雕盤貯霜實銀盞薦秋糯
共言文字歡豈待紅裙佐惟知醞醕滑不悟頗羅大
夜歸肺增漲晨起脾失磨情懷忽牢落藥餌費調和

衰年足奇窮一醉仍坎坷清樽自不惡多病欲何奈
聞公話少年舉白不論箇歌吟雜嘲謔笑語爭掀簸
平明起相視銳氣曾未挫達人遺形骸駑馬懷豆莖
不知逃世網但解憂歲課不見獨醒人終費招蒐些

衢州趙閱道少師濯纓亭

掛冠纓上已無塵猶愛溪光碧照人點檢舊遊黃石
在掃除諸念白鷗親一樽父老囊金盡三逕松筠生
事貧它日南公數人物丹青添入縣圖新

茶花二首

黃檗春芽大麥麤傾山倒谷採無餘只疑殘枿陽和

盡尚有幽花霰雪初耿耿清香崖菊淡依依秀色嶺
梅如經冬結子猶堪種一畝荒園試爲鉏
細嚼花鬚味亦長新芽一粟葉間藏稍經臘雪侵肌
瘦旋得春雷發地狂開落空山誰比數烝烹來歲最
先嘗枝枯葉硬天真在踏遍牛羊未改香

次韻毛君山房卽事十首

案牘希疎意自閒夜闌幽夢曉方回青苔紅葉騷人
事時見詩筒去又來

東晉仙人借舊山定應天意許公閑郡人欲問史君
處笑指峯巒紫翠間

蛩知秋候時鳴壁香礙蒲簾不出門隱几無言心有
得南窓晴日暖侵軒

溪山付與醉中仙美酒何曾斗十千就得江邊賤魚
稻閑官未用苦相憐

忘身先要解忘名分別須臾起不平請看早朝霜入
履何如卧聽打衙聲

禽哢秋來不復圓桐陰霜後亦成穿黃花強欲招酣
飲白髮偏工報老年

邂逅清歡屢不期病來無奈羽觴飛醉乘籃輦江邊
去長伴漁舟月下歸

醉裏題詩偏韻惡秋來勸酒益盃深不才多病俱非
敵綠綺綠何得報金

庵中獨宿雨垂垂未夜無人款竹扉
灰冷銅爐香欲滅床頭一點牖燈微

觸事隨緣不用多華堂玉食奈憂何
美人未厭山阿陋薜荔爲裳帶女蘿

再和十首

澗草巖花日日開江南秋盡似春回
旋開還落無人顧惟有山蜂暖尚來

江上孤城面面山居人也自不會閑
蜂遊蟻聚知何

事日夜長橋南北間

城郭村墟共水雲橫籬竹屋映柴門
隱居亦有高人在岸憤無言倚釣軒

一官踈散自疑仙三考應成醉日千
早病固須閑地著多憂長被達人憐

養生尤復要功圓溜滴南溪石自穿
近見牢山陳道士

微言約我更三年牢山東道士璞近過此叩竟無所云約三年當再見

張公詩社見公名公昔與張伯達為唱和之友白首山城嘆不平

坐客要聞新樂府應須湔湔口琵琶聲

高情日與故山期鴻鵠誰言也倦飛
且聽漁人強哺

啜坐中羈客畏公歸
天為多才故欲禁府門摧落漲江深鼎新翠壁排精
鐵湧出飛樓直百金
樓上青山透四垂畫橋百步引朱扉落成當輿公同
上一看長江白練微
歌舞留賓意自多華燈數問夜如何白頭病客無才
思慣卧茅庵長薜蘿

筠州二詠

牛尾狸

首如狸尾如牛攀條捷嶮如獠猴摘柚為漿栗為餽

筋肉不足惟膏油深居簡出善自謀尋蹤發窟并執
囚蓄租分散身為羞松薪瓦甑烝浮浮壓入糟盎肥
欲流熊肪羊酪真比儔引筋將舉訊何尤無功竊食
人所仇

黃雀

秋風下黃雀飛禾田熟黃雀肥群飛蔽空日色薄遂
巡百頃朱為稀翻翻巧捷多且微精丸繳妙舉輒遠
乘時席勢不可揮一朝風雨寒霏霏肉多翅重天時
非農夫舉網驚合圍懸頸系足膚無衣百箇同缶仍
相依頭顱萬里行不歸北方人居厭羔豨咀噍聊發

一笑歛

樂城集卷第十

樂城集卷第十一

詩八十六首

和毛君新葺困庵船齋

厭居華屋住東庵
 真味全勝食薺甘
 多病維摩長隱
 几無心彌勒便同龕
 誤遊田舍空成笑
 謬入僧房即
 欲參風霽不知吹
 有萬月明聊共影
 成三齋如小舫
 才容住室類空困
 定不貪擁褐放衙
 人寂寂脫巾漉
 酒鬢髮上畫囊書
 帙惟窓案藥裹瓢
 樽掛壁籃簷竹
 風霜曾不到盆花
 蜂蝶未全諳公餘
 野鵲驚初睡賓
 醉佳人笑劇談
 勸客巨觥那得避
 和詩難韻不容探



曉來霏霧連江氣冬後溫風帶嶺嵐去國屢成還蜀
夢忘憂惟有對公酣終身徇祿知何益投檄歸耕貧
未堪借我此庵泥藥竈古書鴻寶試淮南

寒雨

江南殊氣候冬雨作春寒冰雪期方遠蕉絺意始闌
未妨溪草綠先恐嶺梅殘忽發中原念貂裘據錦鞍

積雨二首

山雨無時歇江波上岸流泥深未免出橋斷更堪憂
房淺鄰糟甕宵寒攬絮裘朝來勢未已歸路恐操舟

又

微陽力尚淺未解破重陰雲氣山川滿江流日夜深
凍牙生滯穗餘潤及重衾泥濘沉車轂農輸絕苦心

戲贈李朝散

江霧霏霏作雪天樽前醉倒不知寒後堂桃李春猶
晚試覓酥花子細看

戲答

銀鉸瀉酒正霜天玉塵生風夜更寒下客不辭投轄
飲好花猶恐隔簾看

臨江蕭氏家寶堂

高人不解作生涯唯有中堂書五車竹簡多於孔氏

壁牙籤新似鄴侯家田園豈是子孫計青紫今為埋
巷誇富貴早知皆有命君應未厭十年賒

和蕭利察推賀族叔司理登科還鄉四首

家聲籍籍大江西臨老揮毫捧御題得意何殊少年
樂還家不惜醉如泥

讀盡家藏萬卷書蕭然華髮宦遊初區區獄掾何須

愧聊把春秋試緒餘

洪儒以春秋
秋央嶽

作官未減讀書勤簿領從今日日新汗簡常編誰付
予傳家應有下帷人

巷南諸子足才賢邂逅相逢秀句傳強作短章同寄

與異時見我一依然

次韻吳厚秀才見贈三首

騷人思苦骨巖巖百里攜詩相就談故作微詞挑遷

客不嫌春雨濕歸衫少年舊喜登高賦老病今成見
敵慙問我近來誰復可對君聊擬誦周南

久欲歸田計未成羨君負郭足為生躬耕不用千鍾
祿高卧誰知萬里征已覺安閑真樂事可憐辛苦盡
浮名隱居便作江南計為覓佳山早寄聲

一卷新詩錦一端掉頭吟諷識芳酸哀歌永夜悲牛
角朗詠扁舟笑杏壇間發笙簧猶可擬棄捐斤斧定

知難繼若高韻君應笑咀嚼歸途久據鞍

次韻毛君燒松花六絕

茅庵紙帳學僧眠爐爇松花取易然惟有未能忘酒
石手傾金盞鬪垂連

餅雜松黃二月天盤敲松子早霜寒山家一物都無

棄狼籍乾花最後般

蜀人以松黃為餅甚美

松老香多氣自嚴餘煙勃鬱透疎簾須臾過盡惟灰
在借問誰收一番炎

美人懶甚挿開扉金作松花挿羃羅幾度低頭疑墮
落青煙已斷未消時

枯萼鱗皴不復豎重重正似半開蓮曾今樵舍博爐
見未許邦君畫閣然

黃蠟供炊自一家錙銖貧富遞矜誇都城爭買方薪
貴却顧松花已自奢

陪毛君遊黃仙觀

李叟仙居仍近市黃公道院亦依城定應昔日山林
地未有今時雞犬聲白鶴翻飛終不返黃冠憔悴只
躬耕試從車騎尋遺跡恐有居人解養生

次韻王適梅花

江梅似欲競新年照水窺林能愈妍霜重清香渾欲

滴月明素質自生煙未成細實酸猶薄半落南枝意
可憐誰寫江西風物樣徐家舊有數枝傳

次韻王適春雪二首

江南春後寒猶劇細雨風吹作雪花中夜窓扉初晃
漾平明草木半低斜潤催江柳排金線光雜山茶點
絳葩老病不堪乘曉出紛紛能使髮增華

春雪飄搖旋不成依稀履跡散空庭山藏複閣猶殘
白日照南峯已半青

毛君惠溫柑荔支二絕

楚山黃橘彈丸小水識洞庭三寸柑不有風流吳越

容誰令千里送江南

荔子生紅無奈遠陳家曬白到猶難雖無驛騎紅塵
起尚得佳人一笑歡

次韻王適遊真如寺

江上春雨過城中春草深擾擾市井塵悠悠溪谷心
東郊大愚山自古簷蔔林微言久不聞墜緒誰當尋
道俗數百人請聞海潮音齋罷車馬散万籟俱消沉
新亭面南山積霧開重陰蕭然偶有得懷抱方惜惜
我生米鹽間日被塵垢侵不知山中趣強作山中吟

韻次王適新鷺

好雨纖纖潤客衣
新來雙鷺力猶微
似嫌春早無人見
故待簾開掠地飛
南國花期知不遠
中原寒劇不應歸
養雛不怕巢成早
記取朝朝爲啓扉

官居即事

官局紛紜簿領迷
生緣瑣細老農齊
偷安旋種十年木
肉食還須五母雞
對酒不嘗憐酤榷
釣魚無術漫臨溪
此身已分長貧賤
執爨縫裳愧老妻

陪毛君夜遊北園

池塘草生春尚淺
桃李飛花初片片
一樽花下夜忘歸
燈火尋春畏春晚
春風暗度人不知
滿園紅白已

離披江南春雨少
晴日露坐青天能
幾時折花只恐傷
花意攜客就花花
定喜落蘂飄香翠
袖中交柯接葉燈
光裏兩練風柔雪
不如精神炫轉影
扶踈夜香飛鷺勝
朝日月暗還湏明
月珠美人勸我殊
非惡明日雨來無
此樂醉歸不用怕
山公馬上接羅先
倒著

山橙花口號

故鄉寒食茶蘼發
百和香濃村蔓深
漂泊江南春欲盡
山橙髣髴慰人心

次韻馮弋同年

細雨濛濛江霧昏
坐曹聊且免泥奔
賣鹽酤酒知同

病一咲何勞賦北門

送王適徐州赴舉

送別江南春雨淫北方誰是子知音性如白玉燒猶
冷文似朱弦叩愈深萬里同舟寬老病一杯分袂發
悲吟明年榜上看名姓楊柳春風正似今

遊吳氏園

細雨作寒晴便暖好風吹袂意初佳清池解洗春心
熱紅艷能添醉眼花紫竹暗生岷岫荈山丹強比洛
人家怜渠巧與閑官便申退來遊未覺賒

江州周寺丞夷詠亭

行過廬山不得上湓江城邊一惆悵羨君山下有夷
亭千巖萬壑長相向山中李生好讀書出山作郡山
前居手開平湖浸山脚未肯卽與廬山踈道州一去
應嫌遠千里思山夢中見青山長見恐君嫌要須罷
郡歸來看

次韻毛君遊陳氏園

增築園亭木草新損花風雨怨頻頻簷簷似欲迎初
暑芍藥猶堪送晚春簿莫出城仍有伴移壺籍草更
無巡歸軒有喜知誰見道上從橫滿醉人

江漲

山中三日雨江水一丈高崩騰沒洲渚淫溢侵蓬蒿
凌晨我有適出門舟自操中屢已易肆下道先容舫
雞犬萃墳冢牛羊逾圈牢厨薪散流枿困米爲浮糟
卧席不遑卷剥蠶仍未繅老弱但坐視閭里將安逃
徙居共擾擾來勢方滔滔嗟余偶同病哀爾爲生勞
晴日慰人願寒風送驚濤藩籬出舊趾羸蚌遺平臯
流窳非擇地艱難理宜遭胡爲苦戚戚一夕生二毛

和子瞻鐵拄杖

截竹爲杖瘦且輕石堅竹破誤汝行削木爲杖輕且
好道遠木折恐不到閩君鐵杖七尺長色如黑虵氣

如霜提攜但恐汝無力撞堅過險安能傷柳公雖老
尚強健閉門却掃不復將知公足力無嶮阻憐公未
有登山侶回生四海惟一身袖中長劍爲兩人洞庭
漫天不覺過半酣起舞驚鬼神願公此杖亦如此適
意遨遊日千里歸來倚壁示時人海外蒼茫空自記

競渡

史君欲聽榜人謳一夜江波拍岸流父老不知招屈
恨少年爭作弄潮游長鯨破浪聊堪比小旆迎風殊
未收角勝爭先非老事凭欄寓目思悠悠

登郡譙偶見姜應明司馬醉歸

蒼然莫色映樓臺
江市遊人夜未迴
何處酒仙無一事
肩輿軒睡過橋來

送姜司馬

七歲立談明主前
江湖晚節弄漁船
鬪雞誰識城東老
喪馬方知塞上賢
生計未成歸去詠
草書時發醉中顛
當年不解看齊物
氣踴如山誰見憐

寄題趙岷承事戲綵堂

春晚安輿遍浙東
永嘉別乘喜無窮
橐裝已笑分諸子
吏道何勞問薛公
堂上壽樽諸椽集
室中禪論衲僧通
興闌却返林泉去
幕府長留孝弟風

次韻溫守李鈞昇寄蕪簡毛夫人

梁苑相從簿領中
清風相逐畫船東
婆娑江海凌雲鶴
飲啄籠樊失渚鴻
別後丹砂迷舊訣
愁來白髮變衰翁
此間詩老仍勅敵
正憶高吟酒盞空

次韻洞山克文長老

無地容錐卓年來
轉覺貧偶知珠在手
一任甌生塵竄逐
非關性顛狂却甚真
此心誰復識試語洞山人

試院唱酬十一首

戲呈試官呂防

新秋風月正涼天
空館相看學坐禪
滿榻詩書愁病

續城集 卷十一 九
眼闌牆砧杵思高眠霜飛一葉凋瓊玉風透雙松奏
管絃聞道熊羆歸亭數侵天闌棘漫森然

次韻呂君豐城寶氣亭

紫氣飛空不自謀誰憐黽勉匣中雷西山猛獸橫行
甚北海長鯨何日收星斗不堪供醉舞蛟龍會看友
重湫功成變化無蹤迹望斷中原百尺樓

次韻呂君見贈

偶然傾蓋接清言不覺門前晝漏傳老病低摧方伏
櫪壯心堅銳正當年莫嫌客舍一杯酒試論灤山三
祖禪明日程文堆几案只應衰懶得安眠

呂前官歸
州問禪灤

次韻呂君興善寺靜軒

自恨尋山計苦遲年過四十始知非小軒迎客如招
隱野鳥窺人自識機窓外竹深孤鶴下堦前菊秀晚
蜂飛老僧戰勝長幽寂瘦骨緣何未肯肥

觀試進士呈試官

松庭散朝日棘戶啓秋風鵠鷺紛來下旌旗儼未攻
馳詞看倚馬餘送力征鴻逸足誰先到孤標想暗空
晶熒雙鏡並高下片言公老病方耽睡飛沉一夢中

次前韻

南國號多士幾人洙泗風英材自入敦壤陣不勞攷
文縉山藏豹飛高弋慕鴻蚩妍歸品藻得失付虛空
考行先推本登賢旋奏公期君緩歸轡一醉鹿鳴中

戲呈試官

只隔牆東便是家悄悄還似在天涯客心不耐聽松
兩端信猶堪飲菊花翦燭看書良寂寞披沙見玉忽
喧譁自慙空館難留客試問姮娥稍駐車

次前韻三首

老去在家同出家楞伽四卷即生涯
龕詩怪我心猶壯細字憐君眼未花
霜落初驚衾篋冷酒酣猶喜笑

言譁歸心知有三秋恨莫學忽忽下坂車

門前溪水似漁家流浪江湖歸未涯
邂逅高人來說法支離枯木旋開花
諸生試罷書如積劇縣歸時訟正譁
安得騎鯨從李白試看牛女轉雲車

濁醪能使客忘家屈指歸期已有涯
魚化昨宵驚細雨鹿鳴它日飲寒花
已諳江上肴蔬薄莫笑衙前鼓笛譁
太守况兼鄉曲舊會須投轄止行車

試罷後偶作

重門閉不開烏鳥相呼樂是暉
轉簾影微風響松未喧譁適已定
寂歷方有覺人生竟何事外物巧相縛

當時不自悟已過空成作耕耘亦何苦遊官殊自惡
棄彼既已誤就此良應錯誰能即兩忘隨緣更無作

放榜後次韻毛守見招

飽食安眠愧不材踈簾翠帟幸相陪深居正厭銀袍
亂失喜初聞鐵鎖開佳句徑蒙探古錦小槽仍報滴
新醅諸人欲見風流伯不用招呼亦自來

送毛滂齋郎

先志承顏善養親束裝騎馬試爲臣酒腸大與渾無
敵詩律家傳便出人擁鼻高吟方自得折腰奔走漸
勞神歸來一笑湏勤取花發陳吳二月春

燕貢士

泮水生芹藻干旄在浚城桑鵲同變響苹鹿共和鳴
秋晚槐先墮霜多桂向榮清樽助勸駕急管發驩聲
勇銳青衿士淹通白髮生芬芳雜蘭菊變化等鷗鯨
去日衣冠盛歸時里巷驚坐中詞賦客愧爾一經明

次韻毛君清居探菊

眼前黃葉畏秋霜耳畔啼蛩恐夜長佳節欣聞近萸
菊清商試爲奏伊涼踈狂久咲謀生拙貧病應憐爲
口忙今日共公判一醉從教人道亦高陽

次韻毛君見贈

江國騷人不耐秋夜吟清句曉相投鋒藏豈願囊巾
脫尾斷終非俎上羞擇地何年真得意舖糟是處可
同遊南遷尚有公知我人事何須更預謀

次韻毛君偶成

年來衰病正相兼薄宦奔馳尚未厭詩句空多渾漫
與俗緣已重不須添聲牙向物知難合踈懶憐公獨
未嫌時聽淵明詠歸去猶應爲我故遲淹

孔平仲著作作江州官舍小庵

近山不作看山計引水新成照水庵閉口忘言中自
飽安心度日更誰參簡編圖迭穿書蠹窓戶低回作

蟹螯我亦一軒容膝住弊裘麕飯有餘甘

送饒州周沃秀才免解

少年工作賦中歲復窮經驥老終知道劔埋新發硎
束裝鄰里助答策友朋聽還似臨淄賁隨風起北冥

雪中洞山黃檗二禪師相訪

江南氣暖冬未回北風吹雪真快哉雪中訪我二大
士試問此雪從何來君不見六月赤日起冰雹又不
見臘月幽谷寒花開紛然變化一彈指不妨明鏡無
纖埃

毛國鎮生日二絕

生日元同小趙公里間相接往還通恠公日夜歸心
切欲寄此生丹竈中

並謂叔平大補參政闕道小趙
參政趙公善養生故有丹灶之

聞公歸橐尚空虛近送楞嚴十卷書心地本無生滅
處定逢生日亦如如

次韻毛君將歸

踈傳思歸不待時孟軻出晝苦行遲新詩尚許留章
句故事誰從問典彝金馬尚應堪避世石泉未信可
忘飢不才似我真當去零落衡茅隔雍岐

送揚騰山人

曾中萬卷書不如一囊錢不見揚夫子歲晚走道邊
夜歸空床卧兩手摩涌泉窻前雪花落真火中自然
渙然發微潤飛上崑崙顛霏霏雨甘露稍稍流丹田
閉目內自視色如黃金妍至陽不獨凝當與純陰堅
一窮百不遂此事終無緣君看抱朴子共推古神仙
無錢買丹砂遺恨盈簾編歸去守茅屋道成要有年

次韻子瞻與安節夜坐三首

前山積雪暮崢嶸燕坐微聞落瓦聲共對一樽通夜
語相看萬里故鄉情信歸嶺上寒梅遠恨極江南春
草生明日青銅添白髮且須醉睡倒燈檠

少年高論苦崢嶸老學寒蟬不復聲目斷家山空記
路手披禪冊漸忘情功名久已知前錯婚嫁猶須畢
此生家世讀書難便廢漫留案上鐵燈檠
謫官似我無歸計落第憐渠有屈聲握手天涯同一
笑倚門歲晚不勝情黃岡俯仰成陳迹白首蹉跎畏
後生歸去且安南巷樂莫看歌舞醉長檠

次韻毛君上書求歸未報

白髮憂民帶減圍頻聞慷慨賦將歸近傳道士連三
嚙久悟禪門第一機夜來庵中詩自得日高門外客
來稀此心素定誰能勸祇有丁寧詔莫違

次韻毛君絕句

中池有士閉重關夜發天光走玉環白日對人人不
識幅巾破褐任塵漫

次韻毛君留別

問天乞得不訾身屈指人間合幾人魚縱江潭真窟
宅鶴飛松嶺倍精神清風吹雨停歸騎舊圃留花送
晚春自號白雲知有意便從丹竈拂埃塵

送毛君致仕還鄉

古人避世事豈問家有無但言鴻鵠性不受樊籠拘
公家昔盛時阡陌連三衢倉廩濟寒餓婚嫁營羈孤

尊城集 卷十一 十五
千金赴高義脫手曾須臾晚爲二千石得不償所逋
撫掌不復言但以文字娛我恨見公遲冉冉垂霜鬚
高吟看落筆劇飲驚倒壺負罪不自知適意忘憂虞
忽聞叩天閭言旋故山廬朋友不及謀親戚亦驚呼
人生各有意何暇問俗徒嗟我好奇節嘆公真丈夫
天高片帆遠目斷清風徂惟應東宮保迎笑相携扶

贈景福順長老二首 并叙

轍幼侍先君聞嘗遊廬山過圓通見訥禪師晉軍
父之元豐五年以譴居高安景福順公不遠百里
惠然來訪自言昔從訥於圓通逮與先君遊歲月

遷謝今三十六年矣二公皆吾里人訥之化去已
十一年而順公年七十四神完氣定聰明了達對
之悵懷想疇昔作二篇贈之

屈指江西老多言劍外人身心已無著鄉黨漫相親
竄逐知何取周旋意甚真仍將大雷雨一洗百生塵

又

念昔先君子南遊四十年相看順老在想見訥師賢
歲歷風輪轉禪心海月圓常情計延促無語對潛然

次贈孔平仲著作作見寄四首

昔在京城南成均對茅屈清晨屣履過不顧車擊轂

時有江南生能使多士服同儕畏鋒銳兄弟更馳逐
文成劇翻水賦罷有餘燭連收領底髭未耗髀中肉
飛騰困中路黽勉啄場粟歸來九江上家有十畝竹
一官粗包裹萬卷中自足還如白司馬日聽杜鵑哭
我來萬里外命與江波觸罪重慙故人囊空仰微祿
已爲達士笑尚謂愚者福米鹽日草草奔走長碌碌
尺書慰貧病佳句爛珪玉多難畏人知胡爲強題目
徂年慕桑梓歸念寄鴻鵠但願洗餘愆躬耕江一曲

又

共居天地中大類一間屋惟排出高下何異車轉轂

死生本晝夜禍福固倚伏誰令塵垢昏浪與紛華逐
譬如薪中火外照不自燭感君探至道勸我減菜肉
虛心有遺味實腹不須粟芬敷謝桃杏清勁比松竹
息微知氣定睡少驗神足胡爲嗜一飽坐使百神哭
要知丹砂異不受腥腐觸可林山憐姿自縛斗升祿
君看出世士肯屑世間福寧從市井游與衆同碌
不願束冠裳腰金佩鳴玉斯人今何在未易識凡目
恐在廬山中飛翔逐黃鵠試用物色尋應歌紫芝曲

又

百病侵形骸漸老同破屋中有一寸空能用輻與轂

忽如卅砂走不受凡火伏前瞻意不遠後躡愈難逐
將炊甑中飯未悟窓下燭聰明役聲形口腹嗜魚肉
塵泥翳泉井荆棘敗禾粟未知按妙指漫欲理絲竹
廬山多名緇過客禮白足達觀等存亡世俗強歌哭
確然金石心不畏蚊蚋觸順忍爲裳衣供施謝榮祿
真人我自有渡海笑徐福衆皆指庸庸自顧非碌碌
愧君詩意厚桃李報瓊玉舉網羅衆禽有獲非一目
喧啾定無用要自取黃鵠君看大方家慎勿留一曲

又

治生非所長兒女驚滿屋作官又迂踈不望載朱轂

因緣罪罟未許卽潛伏空餘讀書病日與古人逐
老妻憐眼昏入夜屏燈燭上官念貧窶時節饋醪肉
衰年類蒲柳世事劇麻栗數日望歸田寄語先栽竹
文章亦細事勤苦定何足君詩四相攻欲看守陴哭
愧無卽墨功不解火牛觸自非太學生彫琢事干祿
安心已近道閉口豈非福胡爲調狂詞玉石相落祿
腹中抱丹砂舌下漱白玉作詩雖云好未免亂心目
弈秋教二人不取志鴻鵠摩詰非不言遺韻寄終曲

陰晴不定簡唐觀秘校并教吳二君五首

積雨春連夏新晴忽復陰江痕漲猶在梅氣潤相侵

蘇坡集 卷十一 十八
蕉紵還須脫圖書漸不禁江南舊風俗愁絕北來心

又

蠶眠初上簇麥熟正磨鎌雲氣重重合江流夜夜添
荐飢人甚困多病我仍兼欲就橋南宿單衣莫雨露

又

漲江方斷渡小棹信輕生貧賤誰憐汝漂浮空自驚
一官終竊食何計早歸耕忽發騷人恨淒涼又未平

又

西隣豫章客病骨瘦藥藥清夜眠孤枕終朝飽
雨多愁不出講罷未應餐約我晴相過門前泥欲乾

二子薪中楚相攜泮上游壅鹽聊度日交象又忘憂
寂寞君何病驅馳我自羞何時采芹處永日看烏鷗



卷十一

十一

